

林園月令二編

八

津田文庫

文庫 1

1697

16

10

15

20

早稻田大學
圖書館藏

林園月令

二編卷八

新瀉

館

機

樞

纂輯

○十二月

月令演季冬寒盡雁鄉其北維鵲有巢
 莫被鳩逐山中雉雊簷下雞啞征鳥厲
 疾水澤堅腹錦帶連珠縈空碎玉光
 浮鶴擎之表滿樹懸珠芳散鴉飛之鬣

林園月令

二編卷八 十二月

010190603232

彌天寒霧沈火井之輝
匝地嚴霜結
溫泉之氣
抵栖鵲于高枝
崑山積玉
聽鳴翬於長隴
沂水尋音
玉鉤挂餌
引寒潭之鱗
珠彈拓弓
下碧宙之隼
寒禽栖樹
且張密眼之羅
青草穿隄
爲擊細腰之鼓
吐火山之艷
藹若沈雲
舒夜苑之芳
鬱然踈樹
寒沙烈烈但

隱鳴鳶
翔霧濛濛
獨乘采豹
追蒼隼
於九霄之風
逐黃犬於千金之堰
輕煙百轉
雲盤照歲之燈
寒火千枝
雷動開陽之竹
霜華點點
猶零黃竹之枝
雪葉紛紛
獨映海紅之樹
一歲芳華
臘方云伏蜡已罷
觀換板板之桃符
驅殘窮鬼
聽聲聲之竹爆
驚碎病魔
清

嘉錄月朔乞兒三五人爲一隊扮竈公
竈婆各執竹枝噪於門庭以乞錢至二
十四日止謂之跳竈王周宗泰姑蘓竹
枝詞云又是殘冬急景催街頭財馬店
齊開竈神人媚將人媚畢竟錢從囊底
來案褚人獲堅瓠集云今吳中以臘月
一日行儺至二十四日止丐者爲之謂

之跳竈王又吳曼雲江鄉節物詞小序
云杭俗跳竈王丐者至臘月下旬塗粉
墨于面跳踉街市以索錢米詩云借名
司命作鄉儺不醉其如屢舞傴粉墨當
場供笑罵只誇囊底得錢多丐者衣
壞甲冑裝鍾馗沿門跳舞以逐鬼亦月
朔始屆除夕而止謂之跳鍾馗周宗泰

姑蘓竹枝詞云殘鬚破帽舊衣裳萬兩黃金進士香寶劍新磨堪逐鬼居然護國有忠良 黍粉和糖為餠曰年餠有黃白之別大徑尺而形方俗稱方頭餠為元寶式者曰餠元寶黃白磊砢俱以備年夜祀神歲朝供先及饋貽親朋之需其賞賚僕婢者則形狹而長俗稱條頭

餠稍闊者曰條半餠富家或僱餠工至家磨粉自蒸若就簡之家皆買諸市春前一二十日餠肆門市如雲蔡雲吳歛云臘中步碓太喧嘈小戶米囤大戶厥施罷僧家七寶粥又聞年節要題餠各圖地保以新曆逐戶分送人家必酬以錢文如市價而倍之踰為送曆本案

周密武林舊事都下自十月以來朝天門內外競售錦裝新曆吾鄉新曆在閭胥一帶書坊懸賣有官板私板之別官板例由理問廳署刊行所謂私板民間依樣梓印印成仍由理問廳署鈐印然後出售殘年永夕有擊柝沿街高唱警防火燭小心者名曰叫火燭案蔡鐵

翁詩云黃昏火燭何人叫乞丐沿門打竹梆今俗即巡更者爲之臘將殘擇憲書宜掃舍宇日去庭戶塵穢或有在二十三日二十四日及二十七日者俗呼打埃塵蔡雲吳飲云茅舍春回事事歡屋塵收拾號除殘太平甲子非容易新曆頒來子細看案歲時瑣事十二月

二十四日掃舍宇，凡有所為，不擇憲書，多嫁娶，謂之亂絲日。月令精鈔：二十四日為無忌日。九邑志：皆於二十四日被房塵，猶本亂絲無忌之說。徐崧張大純百城烟水則云：二十七日掃屋塵，曰除殘，揚循吉。除夜雜詠云：除塵舊室攻。又吳自牧夢梁錄云：士庶家不論貧富俱

灑掃門閭，去塵穢，淨庭戶，亦在除夕。俗呼臘月二十四夜為念四夜，是夜送竈，謂之送竈界。比戶以膠牙錫祀之，俗稱糖元寶，又以米粉裹豆沙餡為餌，名曰謝竈糰。案韻鶴軒筆談：昔吳主女諱二十，故至今吳人猶以二十為念馮應。京月令廣義：燕俗鑄竈神於木，以紙印。

之曰竈馬吳俗呼為竈界以紅紙銷金
為之一年一換又云以臘月二十四日
焚之為送竈上天合家少長羅拜祝曰
辛甘臭辣竈君莫言周處風土記臘月
二十四日夜祀竈謂竈神翌日上天白
一歲事故先一日祀之韓桂舫臘月二
十四日萬安舟中作云十八灘頭一葉
身人言司命醉今辰捫心一一從頭數
無過無功可告神歲晚親朋互以豚
蹄青魚果品之屬相饋問謂之送年盤
案周密武林舊事云入臘以來餽歲盤
合酒擔羊腔充斥道路家雪亭土風錄
云饋歲即吳俗送年盤也家戶為宿
歲之儲新年以餉戚友謂之年物以元

旦至五日不設市也案周處風土記歲暮家家具穀菽爲宿歲之儲以迎新年相聚酣飲市肆販置南北雜貨備居民歲晚人事之需俗稱六十日頭店熟食鋪豚蹄雞鴨較常貨買有加紙馬香燭鋪預印路頭財馬紙糊元寶緞足多澆巨蠟束名香街坊吟賣篝燈燈草挂

鈐竈牌竈簾及篔簹箕帚竹筐磁器缶器鮮魚果蔬諸品諸色工人亦應時而出喧於城市酒肆藥鋪各以酒糟蒼朮辟瘟丹之屬餽遺于主顧家總謂之年市除夜家庭舉宴長幼咸集多作吉利語名年夜飯俗呼合家歡周宗泰姑蘓竹枝詞云妻帑一室話團圓魚肉瓜

茄雜果盤下筋，頗教聽讖語。家家家裏，合家歡案。褚人穫堅瓠集云：除夕家庭舉宴，長幼咸集，謂之合家歡。府志：除夜長幼聚飲祝頌，而散謂之分歲。考宋時分歲猶以脆餠為節物。石湖詞云：就中脆餠專節物，四坐齒頰鏘冰霜。今久不傳。分歲筵中有名安樂菜者，以風乾

茄蒂雜果蔬為之，下筋必先此品。蔡雲吳歆云：分歲筵開，大小除強將茄蒂入盤蔬。人生真漫圖安樂，利市偏爭下筋。初案陳藏器本草：茄一名落蕪，蓋吳人落樂同音，因以為讖耳。長幼度歲互以饌果朱提相賚獻，謂之歷歲盤。長者貽小兒以朱繩綴百錢，謂之歷歲錢。置

橘荔諸果於枕畔謂之壓歲果子元旦
睡覺時食之取讖於吉利為新年休徵
吳曼雲江鄉節物詞小序云杭俗兒童
度歲長者與以錢貫用紅置之卧所曰
壓歲錢詩云百十錢穿綵綫長分來角
枕自收藏商量爆竹錫簫價添得嬌兒
一夜忙可見此風非吳獨有蔡鐵翁詩

錚錚排戶投瓊響半擲牀頭壓歲錢吳
曼雲江鄉節物詞又有詠吉利詩云閩
荔乾紅鄧橘黃深宵酒醒試偷嘗聽郎
枕畔朦朧語新歲還君大吉祥其小序
云杭人除夜以朱橘荔枝置枕旁歲朝
取食之呼曰吉利音相近也 夜分易
門神俗畫秦叔寶尉遲敬德之象彩印

于紙小戶貼之案家雪亭土風錄云俗多用秦叔寶尉遲敬德蓋本唐小說也吳曼雲江鄉節物詞小序云杭俗門神一年一易措紳之族多不用之詩云盱目掀髯慣辟邪除書新換記年華笑君只是春來燕盡入尋常百姓家吳縣志謂門神彩畫五色多寫溫岳二神之象

遠方客多販去今其市在北寺桃花塢一帶居人更換春帖曰春聯先除夕一二十日塾師與學書兒書寫以賣榜於門曰春聯處多寫千金百順宜春迎吉一財二喜及家聲世澤等語為門聯或集葩經吉語唐宋人詩句為楹帖周宗泰姑蘇竹枝詞云學書兒童弄筆勤

春聯幅幅賣斯文人來問價增三倍不
使驚群籠右軍案張子容除日詩帖繡
作春書又揚循吉除夕雜詠春帖題鄉
究春書春帖皆春聯也古時門首貼宜
春二字在立春日見韋莊詩殷勤爲作
宜春曲題向花牋貼繡楣又王沂公皇
帝閣立春帖子云北陸凝陰盡千門淑
氣新年年金殿裏寶字貼宜春而陸啟
法北京歲時記則以除夕貼宜春字歐
陽原功漁家傲詞云換年懶寫宜春帖
是也植炭於門戶之側名曰穿門炭
案崑新合志除夕每門必倚長炭名把
門炭俗稱炭將軍林諤閩中志云歲除
宮門植炭名曰將軍炭周必大玉堂雜

記亦云除夕豎炭於砌礎之間。土俗
貿易場中以端五中秋除夕為三節。按
節索欠謂之三節帳。除夕一節自昏達
旦。雖東方既白猶絡繹道塗不嫌籠燈
入索也。蔡雲吳歆云無地堪容避債臺
一年積欠一宵催店門關到質錢庫還
點燈籠走一回。又徐晉銘除夕詩云生
計吳中往日虛到來今夕各躊躇。平時
浪費知何益千載奢風尚未除。索負偕
來門外漢救貧誰竊枕中書。阿儂身外
無長物安樂新添一味蔬。案前漢武帝
紀明堂朝諸侯受郡國計計若今之諸
州計帳也。韓愈寄崔立之詩當如今合
支注。今時人謂折產符契為分支帳。今

俗作賬古無此字又周櫟園書影云北魏釋老志曰元象元年秋詔曰城中舊寺及宅皆有定帳今人出入之籍曰帳目始此蔡鐵翁吳歆注除夕鋪戶皆張燈為夜市質庫贖當者紛集非天明不得閉門也

麗藻五言律詩

歲暮坐雪

清林古度 茂之

一年期又盡寂寂坐空林試問城中雪
誰家門外深客情看古樹詩思入寒禽
莫道春光近春愁更不禁

雪中種竹和鄭次公水部

施閏章 尚白

纔見梅花放重移竹數竿比鄰分種近

凍土看根難影入空庭白清添滿坐寒
醉來披鶴氅仔細向君看

十二月十六日復大雪飲石帆亭

王士正 貽上

霏霏殘臘雪三度下柴門孤閣林端望
寒煙竹外昏歸樵微有徑凍雀不聞喧
且撥通紅火田家共瓦盆

門神

蔣士銓 心餘

倚傍誰何宅張施爾許形尊疑封尸牖
貴比列丹青面目隨年改精魂入夜靈
穿窬豈公懼聊托壯門庭

鍾植

科名前進士狀貌故將軍至性偏憐妹
孤臣敢怨君腹空能納鬼心死不言文

誰托終南侶多年捷徑分

挑符

度索仙人版丹砂道士書崢嶸禦魑魅
寂寞倚門問入土言當省祛邪事有諸
堪憐退歸者新舊較何如

春聯

製仿宜春帖挑門吉語多豐年資頌禱

民氣驗康和札闥言真妄蹲鴟字每訛
書傭橫雪案僵手凍頗呵

歲鼓

錢臘迎春際隆隆起蟄雷年光渾擊破
花信漫催開響逐寒威去聲疑雨點來
兒童能散打同唱賣癡猷

爆竹

礮力憑金石，憐渠具體微。
驚雷一絲引，故紙萬層飛。
身碎因狂藥，心長有禍機。
不知誰掩耳，還咲盜鈴非。

照耗

地湧光明藏，虛危敢竊憑。
難藏五窮鬼，莫避九枝燈。
幽谷陽和轉，空倉雀鼠憎。
林頭看撲滿，如願咲相應。

鏡聽

匿影循牆走，尋聲倚壁聽。
何期深夜語，却是十分靈。
識緯原難測，推求恐不經。
菱花常自鑑，何必問冥冥。

臘月十九日雪

趙翼 雲崧

冬暖夏無雪，俄驚遍地鋪。
瓦溝填欲滿，簷溜滴逾粗。
潔比餛飩粉，光搖鬱壘符。

年豐又先兆，安穩飲屠蘇。

臘月二十四日江上無事因出家

醞要諸隣翁小飲 金 農壽門

曾讀逸民傳，南村舊隱倫。
清江圍屋樹，寒雨對床人。
歲晏藥苗路，花開酒國春。
依然敦漢俗，祭竈請諸隣。

對雪獨酌和邵澆夫

過春山 葆中

積雪滿窮巷，林深獨閉門。
隔窗梅破蠟，盡日酒盈樽。
凍浦下寒雁，空山啼夜猿。
扁舟欲乘興，杳杳暮天昏。

曉起大雪

程夢湘 荆南

茅檐明夜色，晏起擁爐吟。
遠屋寒流靜，開門雪正深。
微茫辨籬落，蒼翠失雲岑。

趁欲沽村酒，前溪不可尋。

枕上聽雪口占

陳廷慶兆同

雪澤冬來少，詩人句不成。
夜寒方料峭，風定益淒清。
病枕聽猶細，山窓映漸明。
疎慵朝未起，髣髴郢歌聲。

踏雪

吳錫麒聖徵

不用租驢券，衝寒任意行。
酒燈雙屐軟，

樵路四山明。去約探梅侶，來尋折竹聲。
前村繫船處，記有板橋橫。

五言排律

雁北鄉

清吳錫麒聖徵

北望三千里，迢迢雁路艱。
不愁衝雨雪，漸爾近鄉關。
湘水情何極，燕雲夢早還。
郵程梅信裏，心事斗杓間。
抗首先同伴，

多情念故山，寒風聽畫角。凍月認刀環，
歲晚相思遠。途長取次攀，隨陽欣有序。
肅肅仰朝班。

鵲始巢

辛苦凌寒鵲為巢，信爾工冰霜牢。結構
戶牖闢玲瓏，影架團團黑。陽迎閃閃紅，
置身千尺杪。得氣一窠中，舊借填槁力。

今成築室功，卒瘞予口甚。將子此心同，
小畫平林瘦。乾聲積雪空，宜春須報喜。
早晚已東風。

雉雛

林外聞朝雉，如歌雉子斑。草田餘雪在，
麥壠暗春還。韻戛雙飛處，聲傳十步間。
晚寒煤翳靜，宿凍射場閑。得意風前影。

驚心燒後山夢猶通
蜃穴舞欲試花鬢
羣鳥鳴皆後二年笑孰慳
石梁斜照落遺響
苔幽潺

雞乳

見說雞還健知勞
卯翼俱五更寒上距
一曲母將雞暖暖
姝姝意膠膠角角呼
就時低翠絲擇粟讓
紅腴風雨人來否
桑麻徑在無先鳴
期爾輩起舞感今吾
談約籠鵝客描連
戲鴻圖春風看教
闕花底聽朱朱

征鳥厲疾

金眸兼玉爪知爾不凡材
電掣三霄迴風捎一瞥
纔孤盤青海路側搶白龍堆
神駿天邊下將軍塞上來
蕭蕭寒日陷

滾滾暮濤回，狐兔何從避。
冰霜莫敢摧，雄姿能颯爽。
餘力極徘徊，嘆息題詩叟。
徒驚絹素開。

水澤腹堅

占象坤為腹，司冬坎值宮。
春沉菱鏡底，寒老玉壺中。
錯鑄諸州鐵，平磨一面銅。
中邊明儘澈，上下語難通。
芒角徒生彩，

波瀾早失雄，鑿寧傷混沌。
照不透玲瓏，權苦膠南浦。
圖愁對北風，冰嬉方振武。
乾惕仰宸衷。

七言律詩

雪後即事

清王士正 胎上

北風凍雪歷茅茨，夢覺南榮日上遲。
紙帳清香添睡鴨，地爐活火爇蹲鴟。
屐穿

徑竹橫斜，露耳倦簷，冰滴瀝時等，是殘年好風景。十年京雒，不曾知。

歲寒雜感

查慎行悔餘

小閣簾開，取向東寒天，強半是西風。瓷瓶減水，朝防凍布被，加綿夜代烘袖手。輸贏迷黑白，轉頭兒女換青紅。自知于世，今無用新署頭銜，號長翁。宋陳造云物之無用

者為長故自
號江湖長翁

偷存子敬，舊寒種與汝相依，已有年向老。情懷偏戀舊，過時顏色敢爭妍。獺魚冰底頭頭伏，凍雀枝間箇箇拳。便學蟄虫吾亦得，屈伸何事乃關天。

除夕與潤木分韻

燈火檐雨夜沉沉，慰我淪飄得故林。久

別翻驚相對影急裝誰諒倦遊心時清
壯士才難盡俗薄貧交望苦深稍喜來
年春帶潤未應相對廢聯吟

簷水

沈德潛 礪士

銅溝歷亂正堆鹽凍合流漸勢漸嚴倒
挂燕釵齊露脚平垂鴛瓦各抽尖月移
凌影橫虛牖風折寒聲落短簷贏得紅

閨倚欄看樓頭高卷水晶簾

消寒

趙翼 雲崧

冰霜如此出何之排日尋歡遣歲遲營
室但期容我膝時方葺暖室說詩何必解人
頤收藏雪水金莖露檢點梅花玉樹枝
轉眼消寒過九九春光又到艷陽時

苦寒

至後今年分外寒，天心似特困衰孱。圍
爐榾柮無煙煖，炙硯蟾蜍有淚潛。白傅
大裘長萬丈，杜陵廣廈拓千間。書生開口
論康濟，紙上空談祇汗顏。

臘雪

紛紛臘雪遍天涯，飛舞寒空總瑞華。昏
夜有時疑月色，疎林無處覓梅花。客騎
驢背吟情朗，兒戲獅形笑語譁。家是老
夫欣慶處，來年預卜滿篝車。

門神

錢大昕 曉徵

早春佳氣正充間，袍笏仙曹一例除。刻
畫從人爲活計，推敲無地得安居。彈冠
即是當樞日，冷眼相看對面初。故紙堆
中堪送老，功成不退待何如。

李冬殘菊猶開賦詩賞之

吳錫麒 聖徵

陶公老去鬢毛侵猶戀餘花著意尋身
耐苦寒堅晚節天留奇艷助冬心糟邱
料理霜螯待紙屋招携凍釀斟一樣素
娥催不落供人冷處促清吟

除夕前一日船山招集懷人書屋

祭詩

一年祭汝一年非且喜朋尊興不違酒
味半攬吟味入燭花全雜墨花飛鴉塗
疊疊刪曾屢筍束尖尖課豈稀但肯飯
心賈島佛何妨今日乞傳衣

雪霽

佳晴物態轉冥冥畫裏何人屐齒經老

樹梢迷羣鶴，白破窗寒納。一峯青行穿，
竹隴尋梅隴。溫罷茶瓶續，酒瓶殘滴聲。
聲敲玉碎，負暄好傍短檐聽。

待雪

辛苦田家爲麥祈，漸催寒信到山扉。
有時作暝籠深霧，忽地穿雲漏夕暉。
巷裏豹聲群犬吠，林梢墨點萬鴉圍。
朝來要

聽兒童報開徧，梅花樹樹肥。

掃雪

曲背山童似畫灰，先開竹徑後松隈。
一條乍可通幽屐，幾點重看糝綠苔。
落落難尋泥爪印，團團只傍樹根堆。
不知滑澗深山裏，多少樵人沒骨來。

煮雪

天上仙人重玉花，人間相配有團茶。絕
無煙火憐袁徑，但說羊羔笑党家。蠅凍
尚能吟鼎竅，雀飢亦愛啄檐牙。一般風
味消殘臘，香放黃梅屋外斜。

憶雪

顧 祿 鐵 卿

振觸晴窓啟大觀，何時玉戲影彌漫。新
開暖閣添爐炭，舊約寒江理釣竿。夢月
二分深夜冷，望雲一片夕陽殘。天公許
報飛瓊訊，慰我搔頭向曲欄。

賞雪

漫空六出舞瓊林，有客憑欄慰素襟。遠
地樓臺爭耀眼，前身梅月竝知心。小紅
唱合瑤臺疊，大白浮拚宿釀斟。高卷書
帷誰領略，莫愁辜負一分陰。

聽雪

側耳連番別短檠，竹床紙帳最關情。猜他是霰原非霰，聽到無聲恰有聲。落地花閒憐弱絮，步虛夢幻憶飛瓊。求音寂寞緣何事，準備來朝策蹇行。

掃雪

卷簾猶自宿烟饒，松下苔邊帶絮飄。小

徑人歸呼縛竹，前宵寒緊約編茗。分開茅屋門，雙板引出梅林路。一條鶴跡微茫渾不辨，平明擁篲過長橋。

七言絕句

雪後渡揚子江 清查慎行 悔餘

廿里風程一霎間，海門晴色帶潮還。白頭浪裏參差影，看盡江南雪後山。

歲除

袁枚 子才

左插梅花右水仙，當中一叟聳吟肩。
歲除自把光陰算，又在詩中過一年。

山中雪後

鄭燮 克柔

晨起開門雪滿山，雪晴雲淡日光寒。
簷流未滴梅花凍，一種清孤不等閑。

乙未除夕

董文驥 玉虬

明朝霜鬢又蹉跎，漸老逢春冉冉過。
借問閑情多少在，校人已少校僧多。

即事

莊寶書 然乙

歲闌鄉思獨徘徊，酒醒衾寒客夢回。
夜半小齋燈火滅，月光映雪上窓來。

丁未臘月廿一夜宿五華山寓齋

懷朱林一

孫魯 嘯甫

夢醒鴻爪忽西東，楫拙燬殘數點紅。
一枕松濤風又斷，梅花香細月玲瓏。

次韻和羨邨歲寒雙詠

馮 祝古浦

宮額明妝夜不殘，鵝兒酒醖共盤桓。
酒香花氣融詩思，相狎微吟入歲寒。
臘梅
火齊垂紅映荔牆，天寒翠袖倚風光。
此

君直是天成實，訝許勻圓引鳳凰。
天竹

禦寒

趙 翼 雲崧

木葉紛飛草盡枯，書生豪富傲沾屠。
禦寒不怕冰霜雪，晝有薰籠夜暖盂。

臘月廿四日大雪

曉窗鷺見雪成堆，預卜豐登遍九垓。
堪咲此翁都不管，只誇步履可探梅。

除夕檢閱詩稿戲作

心花怒發記從前湧地真如萬斛泉誰
料老來才頓盡半年詩只兩三篇

除夕喜雪

冬暖常憂得雪遲得於除夕尚當時製
成鶴毫無誇處火急披肩去覓詩

暮雪

雪花如席壓炊烟萬籟無聲薄暮天我
似凍禽暗不語忍寒危立老梅邊

消寒絕句

吳錫麒 聖徵

磬頭山在屋頭堆磬口花于水口開不
遇故人誰共賞打水聲裏一舟來
濕絮濛濛白戰天忍寒不肯裹衾眠破
裘補綴十斤重壓倒詩人山字肩

寒夜

顧

祿鐵卿

空齋寂靜無人到，自起添爐煖玉杯。只有梅花透消息，暗香吹向鼻邊來。

詠雪

寒鴉啼向天邊去，白玉樓前絮亂飛。萬樹梅花失顏色，但餘香氣撲人衣。

林園月令二編卷八

附錄

○鴛鴦

鴨

麗藻 五言排律

春江水暖鴨先知

清 吳錫麒 聖徵

鴨頭新水暖，暖處鴨先知。江上尋春日，欄前放鬪時。萍茵浮動早，花信較量遲。

林園月令

二編卷八 附錄

三十三

綠向波心蘸晴隨舵尾嬉携雛眠浩蕩
側翅曬襪襪隔浦蘆抽笋橫橋柳罨絲
薰爐分鴛耨畫箔展琉璃倘具能言巧
雞窗共爾期

七言絕句

鴛鴦

清王士正貽上

閑眠祇傍相思樹共汎常依並蒂花不

省團沙洞庭雁爲誰辛苦向天涯

花鴨

宗室恒仁育萬

黑白分明弄羽衣幽人相對靜忘機天
邊應笑隨陽雁只向稻梁多處飛

鴨欄教鬪亦何心祇博區區驛使金除
却西川杜工部詩人無復有知音

詠鴛鴦調崔霞舟丈

顧 祿 鐵 卿

芟荷香裏頸交加好夢初醒立淺沙一
片詩情描不得合將名字讓崔家

京都三條通
出雲寺文次郎
大坂心齋橋通
河內屋喜兵衛
江戸芝神明前
岡田屋嘉七
同日本橋通二町目
同壹町目
山城屋佐兵衛
同須原屋茂兵衛
同茅町二丁目
同本石町十軒
英大助板

三都

發行

書肆

京都三條通
出雲寺文次郎
大坂心齋橋通
河內屋喜兵衛
江戸芝神明前
岡田屋嘉七
同日本橋通二町目
同壹町目
山城屋佐兵衛
同須原屋茂兵衛
同茅町二丁目
同本石町十軒
英大助板

